吳

興

藝

文

補

藝文浦 吳興藝文補卷之二十九目錄 明 高皇帝 **邢皇帝** 遣布政使周幹等巡行應天八府察民利病勍 宣慰湖州杭州令 題趙希遠秋塘野禽圖為吳典 樊王軫之父王升部王升德清人 賜長與侯耿炳文鐵券文 長三七月次

造戸科右給事中楊文舉往江南販濟 期	類皇帝	沈貴妃誌諡	翰林院	進封皇貴妃沈氏冊文	報恩經序從貴妃請也〇貴妃歸安人	肅皇帝	正德二年勅諭	武皇帝	ヨニンオーノスニーフ
--------------------------	-----	-------	-----	-----------	-----------------	-----	--------	-----	------------

_

藍文輔 王升見前 劉夏 王蒙郡人趙文敏之甥 **范公**榘 歸安縣重建溪光亭記 送楊湖州序名克明 謝賜詔書銀絹椒 水檗禪師像賛 山齊記 一 我三十七月次 師 樂表 名惟則郡人

雪にご 宋濂 思濟集序都人林靜 贈定巖上人入東序郡人 冲點齊記為禪師覺慧吳典人 筆記序亦文獻者 黄文獻公集序 贈雲中温祥卿詩序萬公 送趙彦亨之官和陽序并詩〇趙彦亨郡 玄武石記為林華 タニーノ

藝文補 般若松養有序。林静繪圖 題山房清忍圖趙魏公奎 題積善堂記後為徐養素 渤泥入頁記 馬烏程光秋 李大猷傳居道場及武康山中 趙子昻像賛 題錢舜舉應真圖 元英月四傳碑名起灰傳玄孫 大慈山虎跑泉路馬定最 卷二十九月次

吳與藝文補卷之二十九日錄於 故翰林侍講學士中奉大夫知制語 黄文獻公祠堂碑 獅子山徐將軍廟碑 知經筵事金華先生黄公行狀即文獻 將軍烏程人 同修國史问

吳與藝文補卷之二十九 差に前 達退不能自安是以不得已而起兵至於撫有江東土 失御中原鼎沸四海瓜分予時為民於淮上進不能 兵及其甚也憂天下之未一亦不得已而用兵自有元 開帝王之治世其初也乘天下之擾攘不得已而起 明 宣慰湖州杭州令至正二十六年 烏程董斯張遐周彙編 N XN EILU 韓千秋聖開增定 閔元衢康侯叅輯 高皇帝 明文

援之將李司徒呂左丞等 副 以 加 地 之、 及徐 歸附復命浙東省右丞 陽駐兵浙右杭州守臣 用兵於是西平陳漢跨有蜀川南定百粤北有荆 漸廣民物漸多而四面皆敵國民無一日安不得 以刑來降者寵之以爵遂命大將軍左相國徐幸 軍平章常遇春總兵東入太湖是以湖州 逋逃故與問罪之 泗惟浙 西張氏與 師 不章潘原明差官送款以 朱文忠統兵東北破 淮東郡邑首先歸定抵拒 我接地相接屡擾我邊境誘 百有餘名精兵七萬餘聚節 售伸 桐 廬 守

無犯官府倉庫舊的有主封籍以待敢有浸漁以律論 城聽命可謂識天時人事之 藝文補 朕以武功定天下將多出鄉里皆竭忠效力此帝業所 罪其潘平章等大小官員即我潘輔各安其職故茲令 初意已勅征行將士凡府州城郭鄉村軍民之家秋毫 由成也咨爾炳文以英勇之資從朕渡江以來累立戰 諭中外知悉 功坐戍長與軍肅民安時姑蘇未平爾獨堅守敵來臨 賜長與侯耿炳文鐵券文 不卷之手心)俊傑有合子手民伐罪之 高皇帝 明文

爵禄使爾子孫世世承襲朕本疎愚皆遵前代哲王之 甚嘉之今天下已定論功行賞朕無以報爾是用加爾 光于昔焉尚其篤爾忠貞加之恭慎以保令名訓及後 典禮兹與爾醬若謀逆不宥其餘若犯死罪爾免一 陞居督府征取中原從朕北巡分鎮陝右爾勲益茂朕 境能俘獲而斬之朕由是無東顧之憂及平浙西以功 嗣延于示世不亦美欺 功當時揚名後世而爾父子兄弟忠顯著于 死以報爾功於戲首光武之與耿弇父子皆立 門益有 死

材皆務實學故賢能由公道而進後元之失天下世俗欄人中間亦有私托求進者嗚呼昔元之初得天下人 之務欲天下承平週者諸郡官吏不畏法律之嚴奸弊 其立法未曾不嚴而用法未曾不審然贓更貪婪如蠅 奉天承運皇帝部日朕起草菜削羣雄攘夷狄安中 盡取日之悉係浙右儒吏樊譽之言或是或非皆欲 與御史臺管勾宇文桂因事被問襲中所藏書信 尚虚名故城私于權門而 **辨王軫之父王**升 をとこれ 用朕多涉艱難備知此 四

意望管勾宇文桂轉達平凉子之任所書未發朕偶 中得一善教其子者係浙右登科舉人王軫之父家書於平日即抑其子之不孝不聽父之訓耶今於百封書 蒋俗中有善於為人父者如此誰能出其右哉勸善怒 見之書中語言諄切教以忠孝子之賢否雖未可知然 移風易俗實有國之善治其令中書遣人齊朕詔 請其家賜以白金百 旌其賢令有司除本戶雜役依舊應當里長其亏吳 腐變蟻之慕 腥膻噫若是者豈非慈父失教 兩附子五枚川椒五斤絹十

藝文補 **序於戯宜其然故上品之妙哉** 時皆天然 象八年秋前装潢背 不再役 題趙 腿 **頫蘆黃蕋白鴛鴦足食** 間遺使 水浦瀰漫中有吳興一邑若帆 . 九 政使問幹等巡行應天八府察民利 巻之二十九 بال 野禽圖 爲為足食于斯與趣見所見吳與秋塘一 地無不快哉世善丹青者熟 一卷寫翠樓 5.舟而死則7 四 昭皇帝 明文

民安否何似何弊當去何利當建審求其故具以實聞視應天鎮江常州蘇州松江湖州杭州嘉與八府其軍郡尤歷念慮誠以民眾地遠情難上通今特命爾等巡 爾等必公必勤毋徒芍應故事無副朕憂憫元元之意 私與大學士劉健謝遷尚書韓文楊守隨張敷華林瀚 速: 勑 祗奉鴻圖君臨兆庶倦倦風夜康濟為心而南方諸 正徳一年勅諭 武皇帝

務優容後跡漸彰露彼各反側不安因自陳俯遂其休 嗚 趙 **貢安甫史艮佐曹鵑王** 翰 事 郥 亂黑白以駭衆聽 穿鑿曲意阿附遂成黨比或傷殘善類以變上心 **鳳蕭乾元姚學禮黃昭道蔣欽蔣彦徽潘銓** 戴銑徐蕃牧相徐暹張良弼葛嵩趙士賢御史陳 施何天 中湯禮 中李夢陽主事王守仁王綸 衢徐 敬陳霆徐昻陶諧劉臣艾洪呂翀任惠李 Ø 珏楊璋熊倬朱廷聲劉玉遍相交通 煽 弘任訥李熈王蕃葛浩陸崐 動浮言行用頗僻狀雖察審尚 孫
紫
黄
耶
檢
討
劉
瑞 Ŧ 良 或 光 琳 給 張

母蹈 致之情若自債則公譴謫之典其動内未罪者吏部 無上言隨人符同輙聽能計列街而行朕皆爾釋以後 **今致仕毋使惡稔追悔難及夫人臣以忠敬爲本不聞** 整文補 武奉臣尚惟清白 阿附為榮朕不明言暴白羣臣何以知悉邇來朕 必以黨比 陳霆德清 覆轍自貽累辱國 祖宗成憲申明舊章除宿弊汰冗官欲臻治理 阿附為戒且如張懋等凡遇會奏論 人陸崐歸安人 松之王人 一心恪恭乃職必以光明正大爲 有 昭典朕不輕貸故諭 五. 胪 爾 χ̈́ 查

親馬夫聖如舜終身慕其親亘古一人而已矣朕於是 若與我不相關者甚至有視若仇讐者果何致哉益 之道者也若夫孝者為百善之首夫人生天地間必 其所明而不敢他為本心旣在他尚不敢為安肯亡 於恣亂昏迷使方寸不明故也若夫聖人則未有不明 此身之所從來則有如孟子之言少艾愛子而於其親 父資始母資生然後是身之為有也至於成人而不思 朕聞有孝經忠經者乃所以教人臣人子之所以當盡 報思經序從貴妃請 多卷之三无 也 廾 庸皇帝 朋文

謂者亦甚可以感發人心不為虛誕寂妄之說因命梓 益知孝不可不勉昨服因取道書 行以為人子者觀是經珠是言亦不至於亡背而於 雕之化實首閨門而鷄鳴之賢有嘉内助允資匹德功 恩必由以思酬之敬哉是爲序 家所顧官聞協強穆之風是以子孫行衆多之慶別關 **燃承乾是宜典册增崇以示優龍咨爾貴妃沈氏純懿** 曰朕荷皇天丕眷紹 進封皇貴妃沈氏册文 祖宗鴻業式閎昌祚施路厥 視而見是經號 見夏言集 親 所

藝 楊龍光於縣典爾其克敦敬戒益勵恭勤懋承錫羨之 宜家之美屬兹元序通需渥恩特遣使避封爾為皇貴 世廟莊 文辨於潙汭六儀明廸式承見廟之樂九御用光茂著 金 体疇若褒嘉之命欽哉 文補 錫之那質於戲名高羣御宣令譽於大庭分次龍軒 相 監官籍父九鼎錦衣衛指揮母顏氏 沈貴妃誌諡 順安榮貞靖皇貴妃 一度進 ****** 卷之三无 御宸極恭妃位於星居揚休淑宮 御誌 妃姓沈氏南京欽 **妮於嘉靖** 翰 林院 堋 丈

年正月初十 年二月三十日 **進封為宸妃十五年九月初九日** 九 哀夫復何憾儒臣奉 **靖以薨之年十二月初七日塟于天壽山之原生榮死** 追思 日以疾薨距其生正德十二年四月初一日子時惟 一月初七日選入 皇祖之意典禮有嘉兹復誌曰莊順安樂貞 F 册封為僖嬪十三年正月十五 進封為 禁庭事我 命謹證幽宮用垂示世云 皇祖重之眷遇特隆 皇貴妃萬曆九年十月初 皇祖恭勤懋者十 進封爲貴妃十九 E

延文補 同彼處撫按官查照被災輕重人戶多家將前項銀 去南直隸應天蘇松等府及浙江杭嘉湖三府地方會 價及南京戸部銀各二十萬兩分給賑濟今特命兩前 直 放散如法使饑民各沾實惠不許任憑里書人 小民饑困流離失所朕心惻然已該部議發太僕寺馬 一隸浙江係財賦重地近該各撫按官奏報早災異常 融分派仍慎選實心任事有司官員計口給賑務須 遣戶科右給事中楊文舉往江南脈濟劝其曆十 一人後之三十ん 顯皇帝 明文

照上中下定格分別薦獎論幼儻有無知惡少乗機爛 作弊谷該承委官員悉聽爾會同撫按官嚴加稽考遵 **胃支其應徵應停及改折等項錢糧仍與撫按官備細** 按官遵照先次諭肯擒拿首惡審實一面泉示一面具 聚假名勸借公行搶奪甚至拒捕傷人者爾即會同撫 奏岩府州縣官有縱容隱匿者從實奏劾内開載未盡 過銀兩數目造冊奏繳爾受茲委任尤當持法奉公悉 事宜聽爾掛酌奏請施行事完之日通將賑過州縣 理逐一示諭小民無使姦們吏胥及糧長土豪通同 シランニニュ 藝文佛 洪武四年閏三月日布云臣王升言伏蒙聖恩賜臣部 道高功崇業廣智勇天錫聖敬日齊任賢使能與堯舜 補於涓埃部命臨門忽沐分霑於用露輝生逢華散動 書弁銀絹椒藥謹上表稱謝者伏以聖明御極自慚無 之心同大賞功罰罪如天地之德無私端居九重之中 鄉間臣升誠惶誠恐稽首頓首欽惟 心經畫務使惠溥人安以副朕軫恤小民至意如或遷 延踈玩具文塞責罪有所歸爾其欽哉故勅 謝賜詔書銀絹椒樂表 で発むまと 皇帝陛下德厚 王 期文

柴大邑分符深佩遐倫之重安書寄遠勉加忠孝之全 免喜懼交臻臣升瞻仰清光鈞陶聖化心同犬馬願攄 **俾恪守於廉勤康少酧於知遇何冀上聞於天闕過** 山林名敢求於簪級教子之義方之訓承恩忝科甲之 明見萬里之外伏念臣性資愚陋學術迂疎分甘老於 報効之 於星軺白金光照於琴書黄絹春生於筐能芳椒 一樂扶衰豈期枯朽之餘遽拜駢蕃之賜征徭特 誠景追桑榆欣覩太平之盛謹奉表稱謝以 ランニラ 劉 夏

則起而取之矣於是考圖數頁以江南之大而浙右數 委と前 然不我釋也天旣不我釋天下億兆人心又安能釋我 而他之乎然則天與之矣人與之矣猶有不來庭者我 幾於兩陣之間已嘗試天心之所向背矣彼天心斷斷 也十數年後我 傑並起百姓肝腦塗地當此之時紛紛紜紜似乎人衆 下矣十數年前彼君天下者其政治弊於不修四方豪 王者之取天下天心順於上人心應於下斯可以得天 以勝天而天心亦爲之震蕩桓机而不得底於寧諡 教をコロン 國家歷試諸艱大戰江湖決成敗之 男文

州之地近在肘腋尚爾未入版圖乃命將帥師先取湖 中楊克明受 兵也乃不得已輟近侍之臣往撫之用是中書左司 州頼天心之眷顧已客而人謀之協從斯臧甲兵府庫 始服楊公之教令為 為也偷惰放肆之風不可有也其君子則豹變羽翼于 又不遺于細故湖之父兄耆老宜教其子弟曰自今以 全城歸附 則革面耕鑿于田里今湖民無死傷之憂 上見湖民之外在辱也又念湖民之 命出知湖州楊公通練沉敏諳於大體 一新民凡者歷敝壞之俗不可 新被 郥

蒸上 甫 吳與為郡僻處東南山水之秀以清遠聞若雪二溪源 **目天目分貫於城中交流蜿蜒一瀉二百里許而逹** 使爾然也故太守下車為言爾之所不知者 有妻孥之樂爾但知民心鄉順之致然未必知天心之 以傳元衛 澤四山環拱羅立光景冥晦故昔人以水晶宮稱雪 按通紀 王師于丙午十一月下湖州則克明之 命即在是冬矣此實我 歸安縣重建溪光亭記 N KIN HILLS 明湖守之始賴复墩文衡 范公榘 明文

|吳興首以全城歸於是濠梁王侯仁卿來令是邑視 棟宇摧朽没為民廛殆有元丁卯邑長栢壽恢理舊 宋開禧間邑宰鄭昭先創之揭各溪光以樂其勝厥 之餘披閥郡志凡有廢墜罔不與集顏瞻斯址徘 水東過歸安縣治縣樓相直有亭翼然屹乎其前學自 妻にいる 所以彰遊息之地也縣治已葺斯亭寧無建乎於是 因謀於僚佐曰邑有治 建新之壬辰燬于兵龍集丙午浙西州郡悉附於 聚材展夷脈址不冰旬而新亭落成儉不過質者不 多名とコフ 所以昭政令之所也溪有亭 政

差にし前 其梗槳於石族觀者之有徵焉是為記 過於人疇克若是哉公餘退食之服二三寮宋徜徉 屯兵甲府用名勝之所勒為茂草者什九為治者日以 近修篖 輸供應為急鞭敵徵賦為事周旋恐弗逮奚克及是 於上俯視水光山影烟雲魚鳥澄清派飛之趣寓於 目雖面重湖之勝不越是矣故仍以溪光命之且述 一侯當多務蝟集之秋而餘力有以及此匪其才知 山齊記 楹欄檻宏敞洞豁兵然联于治署子惟世道 学をというと 1 紫

義 時為 官至太師賜鐵券封秦王諡 岡 允 起 以子同宗皆出於故宋秦王之裔蒙又得上 興王允岡甫即其先壟之左結屋而名之日 宋太祖布衣時有義易弟十人其長姓王諱審琦者 兄三世知九岡出處甚詳故求子言以記之崇惟昔 家至蘭溪判官其子德齋先生樂清先生咸有盛德 問曾祖覺軒先生又能恢大其家以經史教詔子 山實允問八世祖也故王氏世為義與之著姓 框客官忠 タスニッ 死苗劉之亂勃有司具禮葬于義與之 正懿五世孫韓淵者南 一支其祖

童僕躬耕溪上披草萊而樹縣絕刈蒙密而運表耜 以献畝之故爲妻族所界遠戍於邊允岡遂兇然歸 其祖父兄盤遊吳中幾二十年繼而德齊卒於杭允同 積善之報富潤福澤好德康寧養生送死無復遺憾至 允問之身年未冠遭元季之亂王氏避兵盡宜東行從 澤留心典籍篤志鉛槧行以基其身學以文其辭生子 於鄉里樂清早世子奏齊以温恭靖懿之資籍祖父之 二人長日允同季則允岡也派允岡而上數世皆享其 至則故里漫為荆紀於是布云草履櫛風月雨率 FTH WK ij

朝廷創設是役重其事而信其期苟一毫之不謹家破 悦其心族宗鄉里皆稱其孝縣官以為能署為萬石長 間先期集事至於今日終免於戾於是渺然深思其先 身丧比比皆是惟允岡甫夙夜勤怒孜孜奉公數年之 乎有 秋 場 圃 既 登 則 東 迎 其 雙 親 奏 齋 公 及 母 夫 人 以 在義與之東南紫雲在義與之西相去六七十里銅官 雛墨特立于其中層戀叠獻穹崖鉅堅不可勝數 爲酒體以宴樂之甘毳形隨朝夕温靖怡顏愉色以 丘壁自樞密公葵於紫雲其子孫盡葵梅林梅林 をえこう

常委蛇曼衍於香蘭諸山而瀕具區之巨浸矣山川 以棲運清泉白石可以燉礪故幽人曠士樂居之孔 之道也乃即其所而建屋焉扁曰山齊既以名屋又以 雲之西則有善權縣且乎溧陽諸峰梅林之東則有 涵蓄發秀乎紫雲而鍾竒於梅林然亂久荒弊非追 霧之所督勃而龍此虎豹仙靈之所都也長林豐草 自號其意固可測矣夫等然而高大者山也下振黄壌 一摩層霄松柏椴楠之所生金錫砮冊之所産烟雲雨 智者樂水仁者樂山智者動仁者靜智者樂仁者壽 P. A.CHILL 1

矣乾坤生六子少男為艮其象為山其理為止而光 允 **周於事非荷然也余又三思尤 開之所自號其理益深** 原委起伏其來遠矣必有險也為避避為坂坂必有困 山之謂乎自泰王至於允岡北十三世譬如高山峻嶺 也為義薄為危石君子處之無此心焉耳已录曰時 又得其静且壽焉君子之動静語點必內合於理外 岡甫之謂乎九岡葵齋之勿子也父名之日仁其樂 止時行則行動静不失其時其道光明以言君子歷 幽人曠士之所樂仁智之士固且樂之非獨樂 えスラ И 明

をすける財 仲 旭. 兼 材 險 之義也昔者郭忠恕學於程子程子示以易之 考之澤下以遺子孫之 尼 於是非惟止其身又當 止其心也嚴妯腔 木泉實之所聚也嚴峒源泉之所遂也顧且棲遲 日 艮君子以思不出其位故能免其險艱 後有 一也學道之要無出於此立身行道 不鑑 爲也其 ラナミニム 於流 攝事也恭勤 峒允岡之 水而鑑 꺠 止其心忠孝慈儉允岡之 於止 所以止其身也上 水惟其能 奕世光明而無窮 無職外之思象 皆自 止衆 而無各 始 以 艮 辨, 刘 忠 此 也 而

無 種種法中無有法無心無法無縛脱亦無有無及分別 ΝÚ 登跳遨遊而已也黄鶴山中人王蒙故歷叙而記之 恕遂勝其室日兼山廼知允岡之意脗合古人非徒 整文派 天真手提金剛 有性無性齊成佛放無量光照十方此是如來大 生心滅種種法種種法題生滅心若人能了生滅心 煩惱苦集滅道惟 象轉伏魔精推傳叙稱揚及偈頌悉為隨順清静 **冰檗禪師像讃** オスミラ 劒劃破疑雲震法雷大音編作狮子 即與非無所著地獄天宮皆爭七 士五 圓霓 蒙 叫(

孌文補 間 夫實者名之實也故有其實名則從之譬之於物必能 温 若言天真說法者此乃誹謗非真實道人自是門庭 蘿戸松牕總竒絕時將無心站似 之利然後可以判彫必瓚樂之貴然後可以裸廟必 ·褻燕石芒乎其一矣豈非質不足於名哉若雲中 君祥卿其殆名實相符者乎祥卿將家子久寓若雪 贈雲中温祥卿詩序 謀技巧勢 一卷之主尤 反是則鉛刀絕乎頓陶由近 體習之未及有所 (笑指寒潭印秋 十六 明文

即留以賛軍事長與正控敵境春水方生輕集眾侵我學來依焉時耿將軍戍長與群卿道出其間一見語合 弱循 重 國公親秉節 **睡祥卿毎佐將軍搗退之去年之冬復大舉圍城 祥卿謂將軍曰敵勢方熾宜出竒以制勝於是**稽 而兵甲滿 而行順 旺貳死士環栅而坐即有犯者從其隙前之老 鉞 東南矣祥 風 開 鼓灰 國江左德懷威馨霆行雨滋竟挈妻 雨 卵徘 灰迷目不能仰視閒竭力來壅 **徊顧瞻擇三而售聞**

医: 文甫 制勝之 標竊武經之縣揚眉而談抵掌而議日我善為六花 逦 則 積如丘 金宜鋒起而泉湧似無不可爲者試使提 粹其見諸猷爲乃能恆者若是非所謂有其實者名 達星式雷經我洞明軍執兵鈴渠答距堙之制玉應 從之也即嗟夫世降俗薄白面書生以時方用兵競 來攻自以為 、駭不敢近時將卷甲而還士卒鼓譟而出殺獲甚 能不可誣也予會與祥卿接其客和其辭良其 山人皆日斯役也固將軍之功而祥卿出奇 学会は自己は 必勝而吾所以應之者智益然謀益 旅之卒 明 旃

延 與之談兵者俠旬於其還也請予以文贈之不敢辭 **懺若雷霆吞彼何人** 系之以詩日長與實施苕書衝積鐵為城雉柴雄中 於先矣 也燕石也其視龍淵墳樂鞞奉之美果何如哉皆見 於祥卿者也然而志不可盈功不可畫祥卿益思竭 顛 心力展廼秘策為東南之長城則忠武又不得專美 倒 失措頗有 札子繍旗都 都督朱公嘉祥卿勞烈龍禮甚至近延實能 類趙信庵之客者此無他鉛刀也問 春暈晴空人如貔貅馬游龍澎 斯敢不恭補我城下些堡略雲中

ネスコン

藝文補 星 張俯仰變化皆一 甲孰吉凶金鷄玉狗有路通伏栅坐射疾若風礮火 地之氣日新而無窮文餅亦與之無窮羞其升降 姓龍資隆太史有職載學形定見特書昭駿功 流日為紅横屍十里膏准叢斧劈蜂蝟盡滅蹤纁 則長與首先歸附而祥卿守城克敵之大略可見矣 都督朱公乃 流點瞳手塵羽扇分衡縱圓方刑形法元宮五 黄文獻公集序 巻とデル 高皇帝未即天位之號也讀此文 所為神也者形之而弗竭用之 明文

同乎春 祭者則不能啓一 喙精魄淪亡氣局荒靡澌焉如弱卉 於河汾河汾則異於昌黎昌黎則異於廬陵廬陵則異 周 近 於伊洛夫豈欲騁異哉文與氣資胂以生其勢則然 彌張氣之框文之 代自寶慶之後文弊滋極唯陳府之言是襲前人未 以下諸家言雖不能如經亦各以所學鳴龍門則 汎緒風文果何在乎逮入國朝奉工產出劍華而 **澡以超真爛然五色之文照耀於天下沿至先** 秋春秋不同乎詩詩不同乎書書不同乎易成 所風也成周而上 一六藝典焉禮 也 典

其形諸撰述委蛇曲折必 的 所欲言 出用於時則由進 載夫學術者也吾敢為荷同乎無悖先聖人斯可矣故 馬能察其端倪哉於戲蹄游之水其流不能尋尺通 **今之論者徒知先生之文清圓切密動中法度如孫吳** 者殆三十年精明俊朗雄葢一世可謂大雅弗奉者 用兵神出鬼没而部伍整然不亂至先生之獨得者又 號為極盛先生之所學雝其本根則師羣經揚其波 則友遷固沉浸之外超然有會於心害自誦日文辭各 第教成均典儒臺直禁林侍講經幃以文字為職 ナル

武 他 也 先生费後之五 六藝下 迅 至今猶津津然是誠 河海風霆之若 胡 與不神也文辭之 則 風驚霆則振撼萬物衡縱下上 函 惟信恐 浴 而諸家言所 泊月 月 D 其 而 年家藏 湮 瞡 從 舣 **瞡蹄涔土鼓間界誰之過也** 而萬變土鼓之聲其聞 出與天地之氣相為無窮奈 亟 何道哉學者尚以是而求先生 何 雖有大小之殊其生色之 日損齋養共二十五卷縣 顶 娛 梓 以傳謂濂皆從先 一無幽而不被 弗及 此 無 何

藝文補 世之爲士者貴於立言然言不可以徒立也必依乎經 姓黃氏麥之義烏人其官戶行業具見臨川危公所 仰今古能無感乎姑誦所聞以書於篇端若先生所 神道碑络兹不著 訓 枚華川之上先生酒微 百言自顧於道無閩獨志汗漫無根之域不足上承明 方將刻厲剔去陳腐以振華英而九原不可作矣俯 一代之盛者則不待序而後見也先生諱溍字晉 筆記序 **参之三**无 二十 明文

助而功不既多矣乎漢魏以來藝文之流伸其獨見而 發越其光晶而疏通其晦塞者其為來學籍疑辨惑之 史而為之辨證雖或未遑竭其終始而具釋全書所以 菽栗布帛之濟於用者曾何如哉鳴乎弊也久矣金華 火齊可珍之物出囊而紛葩升槃而囘縈非不燁燁可 玄虛尚靡麗者騁浮辭而矜縟製譬諸金貝珊瑚木難 也奈何俗學紛紜而莫之有定騖高遠者宗恍惚而 視也然而寒焉不足為之衣饑焉弗能為之食求其若 家言者亡慮數百原其所志亦未必不由於斯

行講黄公厝以文辟冠於 藝文補 **省者筆**記 其異可珍之物各雖貴而實有不足者歟非攬之於至 然自得之 難决之疑从蔽之感皆渙然 記凡經史與旨味者顯之 以播厥中外晚又出其緒餘隨筆志之號日日損齊筆 而約之於至精者不可以與於此昔者朱景文公而 八卦為河圖辨僧塋之妄而知熙陵為仁居此尤超 見揆之於別始猶布之與帛菽之與栗者欺 編 一个 卷之 十九 以釋俗考古 一論者訂之鮮雖優桑不迫 代藏諸金匱勒於樂不二 一雜說析爲三門而上處李 而水釋其據孔氏之傳 主 野文 而

能有以盡筆之也雖然味滄海者一滴而知醎釆鄧 若公之此書然後庻幾無遺憾哉所可惜者公之胷 所失有如斯者此無他博焉而不及精之故也嗚呼必 斯可謂語學者已濂從公游者最久既受此編以歸 私序卷端真諸篋術而擇善學授焉 所存宜不止此而耄年之加厄於求文者之膠葛竟 十餘條 指其瑕疵者七條近代紫陽方公回亦着筆記 章而知材有能因公之所省言而推見其所不言 而河南張恒時斤其非二公素稱該治而 其 廼

家法郡二千石欲以竒童薦父拒之靜知父意欲爲名 静俊奕異常髫幽之時即解綴篇章有外氏趙文敏公 軍都統制祖友信仕元官至宣武將軍湖州路湖砲翼 文節公世多聞人至曾祖棄以武舉入官為宋馬步水 思齋集二十卷吳興林静氏所著也初静之系出艾軒 潤由是問學如川之增若黄文獻公晉卿宇文先生 一千戸所管軍總管父德縣襲其職俱讀書知文及生 儒益研窮九經百氏之書雖老釋玄詮秘典悉叛其 愚齋集序 一を之子れ 重 宋 濂 明文

子貞皆延譽之遂用御史辟署安定書院山長鮮不 麗 子遊子嘉之故褒之褒之乃所以勉之也静字子山愚 適用又有出于詩文之外者其所至未*易*測也靜眥從 而 者非邪近愈篤志濂洛關閩之學寤寐不忘則其明體 齊其自號云 典則誠無魏于作者求諸倫量中不多遇也嗚呼 子孫者毅然能以交易武有聲動人所謂能亢其宗 運亦衰矣合觀集中所著文則豐腴雅馴詩則藻 贈定巖上人入東序

能自信於是遠訪師資以來印可利鋒相觸兩雹為之 交馳疑網既祛星月為之朗耀非具大慧充大量要不 足以與干 不立而日用熾然六人本空而真機獨露雖有所證未 而後成葢亦憂憂乎其難矣為其學者當冤厥誠 弗攝也東升西降如彼日·月無昏衢之不照也<u>公</u>敷 大雄氏之道洪繊悉佛上一復下載如彼霄矮無合生之 于教儀妙悟須資于禪定所以銷融其粗濁振拔 明降伏其塵勞躋登其實際非知力之所强必頓 斯也定巖戒師吳興士族積菩提之因勵精 卷之三九 至 图 固

踐履武廢泛東大洋海而視古佛顯化之跡登天台霆 進之學美譽流于四方純行信乎四衆且以見聞未海 傳辭章之錦繡足以移易其性情勢位之肥甘足以斵 各彰實相此其立志甚不小也嗟夫世道旣降正法 勝歎哉有如定嚴專心為道如孤雲野鶴弗為世氛之 交其智慧雖方袍而圓頂或塵容而俗狀滔滔不返 所染如崇蘭幽芷弗為無人而不芳寧不爲君子之所 而詢應眞示現之方波濤春撞皆談苦空林木葱蒨 乎所謂充大量具大慧者異日當子定巖徵之也定

医文甫 吳與趙君彦亨魏國文敏公從孫也通周易至正乙 所說大 顧文逋之叢沓兼羇思之繽紛筆無停思語多未醇 嚴之還也且過南海省親身居桑門心存孝道大雄 **武藝工浙鄉聞獲與薦送值元攺物遂退隱林譥國朝** 送趙彦亭之官和陽序并詩 與源梁侯公彦良以中書参知政事出守吳與 删而正之可也 所可取豈直前所云云哉會佘詞林詩書首 報恩七篇皆言由孝而極其業定巖又能行 が終るまと 明文

觐以爲彦亨之材誠不能多致復言於銓曹邁爲楚府 孳 单 自 厲 有 不 待 子 言 其 欲 言 者 自 識 彦 亨 已 數 月 矣 故家文獻自藩府出佐方州有民人社稷之重蚤夜宜 紀善人之調同知和州事將行予酌酒謂之日彦亨以 力舉教授郡庠彦亨以養親辭侯公移鎮山東已而 求彦亨發之卒未能得而彦亨以別告嗚呼古語有云 之情在其中矣詩日倬彼魏公文獻之家經會秋實藝 **内暴修國史之冗凡四聖傳心之秘諸家異同之辨欲** 為政易而講學難子於彦亨又烏可已於辭乎序而詩 シスシニフ 藝文補 起與子謀十翼多與九師馬求子今有行熟析其精 **初始天威孔楊旣混寰區視此沛豐建侯擇佐維俊及** 朝紳無善不紀有道必康睠兹和陽瀬于大江 明麗天萬國咸臣蒐羅智哲逮及隱淪上名楚耶接跡 星應壁垒理將畬迅事或不齊海桑變幻岩宂幽棲大 軍勇益萬夫氣摩青雲賢書得貢淡墨新題材評龍 良竭子素蘊據子遠猷煦嫗民隱塵承天休薄言我私 有傳詩禮與問匪資竹素盍策文勛如提徤架去衝中 i i 明文 帝鉞

我情 虚也然者靜也即佛氏空寂之義也惟其中也故默則 **帮徒牵離觴重傾決決中流揺揺去旌瞻窒弗及實勞** 平為體而然為用惟其點也故冲則點為本而中為末 保寧禪師以冲黙號其齊居來徵千記子按字書冲 之冲點也自無生有從有入無外雖紛紅中實 也 二者之理恒若相因未有黙而不冲冲而不原於黙者 夫太虚寥廓從横自如陽運除行真牢不動此 冲 黙齊記 ラジラニッ 兩間 濂 者

藝文補 所不容無所不具因無所不容故萬有歷然而未皆有 止乎然而妙明真性不涉三際元自中虛本由點靜 寧是不知有點者也非大覺真人出而救之將何所底 激運轉不停效焉凝氷發焉焦火十二時中無一息必 其所無反覆膠滯不求脫離是不知有中者也風性 萬象之冲點也靈光洞然出入無礙諸緣自忌大用常 **之類亦云縣矣柰何營營逐妄擾擾迷真竭晝夜而實** 况於法此諸法之中縣也中默之義大矣哉嗚呼有情 寂此山 心之中點也我念不生法從何起生滅本空而 卷三五 手 明文

平黙而於平有爲也韋應物所謂隱拙在中黙者欲藉 是處世以保知為中寡言為黙者也而非其至者也然 道之樞要乎彼李伯陽所謂致虛極守靜萬者若近乎 室於虚因無所不具故群動森然而未曾有離於靜靜 固非動動亦靜也虚固非實實亦虛也冲乎點乎其造 點者則無所事乎冲也禪師汲汲求法者也皆揭冲點 以自勵故為略疏體用本來而言之然亦未管有所言 則何以為至乎必也人不二之門而後真知點也沒知 也醇師名覺慧字敏機吳與人出世嘉與之祥符近從

客整學之紫陽巷言說飄然而逃未幾夜夢羽客持龜 道逄羽容髽髻而方瞳揖林君曰吾與子生同里何遽 君與之翼日遂行既至逄龜蛇出洞中已而不見林君 與蛇施施而來謂林君日子能往鼈峰乎吾進子矣林 吳與林君靜皆道家言事玄武神尤謹 无之邪問其里居姓各笑而不答張之則日李自然也 之士也 四輩之請分座說法於天界寺葬主實寧禪利葢有志 玄武石記 一 卷三十九 二十七 旦出游虎林 宋 明文 濂

末備悉雖善繪者不是過也林君獲之誰日此吾之玄 因 神惟其孔神凡人心思之所能及者物具有焉且玄武 余為之記余聞天地之運二氣網組自色自形其變孔 徵亟往巷中竟羽客無有也乃懷石以歸齒成一 並緣其內正白別有墨龜昂首行蛇絡之所現之像毫 斷地獲石類急那圓且熟滌而視之玄武神黃帕 劍坐雲中龜蛇在下云秧翩翩如淡金色背文外 稱見于禮經其為軍陳以象天也益玄黑也北方之 也武龜蛇瓣甲之象也取其能禦你也未開有所 圖徵

震文順と「大学」 將神變不可測者偶與之合乎抑事之未見已兆於先 乎不特此也梓潼之有神亦非古也天曆中有官於麗 會固也何為圓石之中果有顯像之異乎夫石與天地 神也迨于宋初避聖祖諱始易玄為真其名真武以為 水者日韓氏亦獲玄石石文有神戴席帽乘白騾揚鞭 俱生而傳會者後代也又何為乎脗合無毫髮之爽乎 何為而然乎豈理之常者可以推理之變者誠不可致 神手按劍而足躡龜蛇殆起於道家傳會之說乎其傳 而行一蒼頭後從其與於君所獲無大相遠者不知果 明文:

詩乎人心至靈一念之感其小者草木或無根而生 在於石矣林君勉乎哉林君勉乎哉林君字子山静其 事玄武神又甚謹其必有所感而致於斯乎所謂同里 造化之所為可不可乎今林君之爲人沉潜而有守而 其大者 自然則大道可致大道可致則神當在林君之心而不 及李自然云者葢示萬物之理同出於自然知同出於 名也以瑶臺玄史為之號博學逐文詞見羽客以洪武 日星或退舍而見異况天地間之神出有入 見えこコナ

朔云 所隊無不奉表稱臣渤泥以彈光之地乃欲抗 年秋八月秋與監察御史張敬之等奉 國冬十月由泉南入海四年春三月乙酉朔達闍婆又 **兀年八月二十五日入夢則是月之晦獲石乃九月之** 秩令譯人通言日 皇帝撫有四海日月所照霜露 月始至其國國王馬合謨沙傑處海中倨傲無人臣 渤泥入貢記 **旨禁林日福建行省都事沈秩來謁曰洪武三** 参三七 二十七 認往諭渤泥 明文:

掠必俟三年後國事稍舒造舟入貢爾秩日 城鬧婆西則吐蕃北則蒙古諸部落使者接踵于道王 大寶已有年矣四夷之國東則日本高麗南則交趾占 即行已晚何謂三年王曰地瘠民貧愧無竒珍以獻故 退明日王解日近者蘇祿起兵來侵子女玉帛盡為所 官屬列拜于庭秩奉 何不敬亟撤王座而更設鄰几寘 安敢云抗秩即折之日王既知君父之尊為臣子者奈 邪王大悟舉手加額曰: 皇帝為天下主即吾之君父 J 詔立宣之王俯伏以聽成禮而 部書其上命王 皇帝登 帥

一藝文補 議遣亦思麻逸等四人入朝臨聚王以金佩刀非貝布 將遲遲爾非有他也秩日 及乎宗恕悚然日敬聞命矣乃入白王王大會其屬共 於爾國乎何有使者朝還天兵且夕至雖欲遊府悔可 秩大言謂宗恕日爾謂闍婆非中國臣邪闍婆尚稱臣 歸誠中國無我闍婆矣王惑之秩復走見王王鮮以疾 於王但欲王之稱藩一示無外爾王日容與相臣圖之 又明日其相王宗恕來日使者之言良是請以五月五 日成行闍婆有人間王日蘇滁來攻王帥師却之今聞 参三十九 皇帝富有四海豈有所求 三十

矣秩恐王不喻復走王所反覆譬晓之王曰使者之言 為贈秩毅然辭之王顧近侍日中國使者廉潔乃如是 右言令人與亦思麻逸 日使者不受刀布爾等必不還 還中國願亦思麻逸 番歸敝邦秋八月十五日還京師 十六日以亦思麻逸等入 如此子中心釋然矣王舉酒為別酹地配曰願使者蚤 、悅書于板中懸之 旣與王別舟行至旃口王又惑左

藝文補 其地炎熱多風雨無城郭樹木栅為固王之所居者樓 城中人不清三千家多業漁剪髮齊額婦人表短衫僅 青其文都陋不足觀三皇太子牋用銀牋文與表相類 米龍脳黄蠟隆真諸香其表用金刻番書彷彿如 歸龍齊其王甚厚云其所貢物鶴頂生玳瑁大片龍腦 **嵌胸背腰繫花布散髮跣足其物産只吉貝黄蠟降** 覆以貝多葉王綰髻裸跣腰纒花布無輿馬出入徒行 龜筒玳瑁檳榔煮海為鹽瀝椰菜為酒無稍麥捕生魚 鰕蟹食之 兼食沙糊沙糊者取樹實為漿澄遊膩如粉 卷二十九 主 回鶻 明文

食之 之番書無筆札以刀刻貝多葉行之事佛甚嚴以五 **承雞鴉鳴鼓擊飯以為樂此其大凡也先生職在太史 顧為詳紀之以** 昭 靡逸谷三十日程去三佛齊四十日程歷代未曾朝貢 大海中所統 浦盧歌遣使等使副浦亞利判官哥心等齊表來頁元 故史籍不載至宋太平與國二年其王向打始因商人 能不機食無器皿以竹編貝多葉為之食畢則棄 一日為節國人亦於是日作佛事若有燕饗則封羊 一十四州去闍婆四十五日程去占城典 聖化所被之盛濂聞渤泥在西南 月

藝文補 為善而至於君子人之所能必也為君子而富貴且有 豐五年二月其王錫理麻岩復遣使如前日後輒不開 過之至若秩等奉宣、德音辭令所加足以警服其心 協心謀慮無役不作故卒能成功云 者采焉秩字仲庸湖之島程人敬之字某某州人二人 亦可謂不辱 被無遠不届 兀有國百餘年亦不復至方今 題積善堂記後 後二十七 型書 君命者矣其事宜書以俟他時修國史 **頒**軟稽首臣順稽之徃古允謂 聖人在上威德之所 三十二 明文

後非人之所能必也世之人不為其所可必而妄意於 直學士素庵徐公以積善名其堂以昭其阻考之善而 慕故有以合乎君子而得天道之佑非偶然也前翰林 獲則然且疑以理為不足信其惑不亦甚乎人之宜為 其所難必修于身者無成則委之如當然望于天者不 君子而不可為小人出於性分之固有非為利達而為 之子孫盜斯人之為善出於天性而未皆知外物之所 之也使慕利達而為善其心已陷於小人之歸尚何暇 天道之怨哉予觀顯融於世者多昔者質厚敦朴之士

錢舜舉所貌應真渡水圖備極情態此畵史恒事爾 廣長三萬里上下二百年难公一人爾信然保寧慧禪 墨文和 墨所惑可也 即以山房清思圖相示遂書而歸之 者妄謂應真實然則過矣觀者當具金剛眼而弗為紙 文運中微頹災日靡公起東南作天一 上之孫麟遊屬翔珠明璧温歷試中外遂居禁客其名文運中微頹災日靡公起東南作天一柱天人之表帝 題錢舜奉應真圖 趙子昂像費 濂 或

医文有 公文如金變化莫測照耀古个 聞三百年間西東萬里雄鳴一 升與日同出彼儉那者腐風敗豚何能病公臭穢自 師之道盛行遂化瓦礫之區為伽藍松亦寢長折為 庵前誓曰此地般若當興吾松其茂乎自時厥後大 龍山山有龍壽寺廢基大師遂轉庵以居手植 千岩大師於江春定之冬度壽江而來想止烏傷伏 一幹詰曲糾蟠如虬龍天矯勢欲飛動至正丁酉春 般若松費有序 是三十九 一代如公者幾公親如王 松

大師東來化導有情青松手植用表真乘觀爾榮粹以 腾孰謂升木本乎無情有感斯應一出乎誠惟誠之至 占廢與有聲四達播德維馨為法來者霧滃雲蒸樓閣 領現儼如化城松亦有知森勁摩冥天矯欲奮虬龍騫 若號之且為之費大師諱元長會稍人費日 君子山繪畫成圖求濂命名濂因雅大師之言以般 南枝忽悴其夏大師示寂嗚呼松雖植物其有知與 衰死生之意者哉後植松五十一年為 丁巴住山龍門海公同大師之上首良祀請吳與林 タニフ 國朝洪武

藝文補 我等邀惠者甚大柰何棄去南綠童子泉當遣二虎來 岩局百世之下既幾可後 縛庵其中葬以無水將他之忽有神人言目自師之來 移師無患也翼日果見二虎以爪跑山出泉 甘洌勝常 近唐元和十四年性空大師來遊茲山樂其靈氣鬱盤 虎跑泉在杭之大慈山廣福定慧禪院距城南十里而 **高月白風度成聲恍如演法誨言初聆太史作贊勒於** 神致靈島爾龍象慎好敢搜視松如師是儀是刑 大慈山虎跑泉鉻 一一卷二十九 ニートル **明**文

靈異有不難致者嗚呼拔劍剌山水為之湧折腰拜井 虎發泉眼越行脚之何葢紀實也大師諱震中蒲坂盧 泉乃仰流武夫健将一 願岩頭戲雪峰存成來咨叩道要則其德服鬼神彰灼 無際者乎洪武戊午冬十有一月源朝京師道經山 氏子得法於百丈海一 大師因留止建立伽藍蘇文忠公守杭日為之賦詩有 **今主僧定巖有道之士也亟要濂觀泉且被法永率其** 同奉性児外と泉感沸而出若聯殊然已而微作湧 一時龍象如臨濟玄趙州諗南泉 誠之所格尚若此况大師心悟

珠珠擾擾征縣風埃渺瀰有素者表化而為緇願挹士 猶能類象來游來谷如山答響代祀雖避聲華弗虧至 勢源心異之定巖遂來謁鉻第曰 **今草木尚被餘輝我於世緣遙觸輕礙泉特相知獻萬** 里幻此荒墟遂成寶坊奉生依之為正法幢命世大才 天一所形厥質乃凝潜行重淵與氣俱升至人來居地 不愛寶誰信清冷生於虎爪山后川君與道為謀官私 如習禪定洗滌根塵 勺不師之留師既留止化泉為雨式沛且滂潤于千 一天 长三十九 時清淨 EF 男文

夢前比丘尼持栗數顆嚼食之夢覺見汗如雨遂廖年 尼乘白鹿車抱嬰兒授之日此福慧兒也善視之既而 號静軒母陶氏無嗣晝夜禱於觀自在於夜夢一比丘 李願證字大猷姑熟人父深肥遯山林以書詩為教自 將奚為父大驚更以孝經 有娠生未逾月兒忽身熱如火不進乳陶方以為憂復 **具常父宵手書首楞嚴圓覺一經逐卷取讀之力自然** 四歲嬉戲父膝下因授以記姓書見目此有何義讀之 李大猷傅 誦即能圖記稍長益較祭 膫

歪と前 尋命掌書記洪武戊申出世嘉與水西寺庚戌遷吳典 森然有奇氣一時名公鉅卿皆愛敬之與其相倡酬師 之道場未幾退居武康山中著觀幻子内外篇以合儒 教也於只獨坐一室竺墳魯典無不研窮之者為文辭 侍者謂之日子才銳甚宜留意文學他日期子弘宗扶 杖錫來 南京清净寬師於天界禪林師見其後邁命為 大石山中與僧法秀游秀有高行願證期取法焉外之 母學佛於城南頓覺蘭若祝髮受具戒制今名願證走 一貫之妙其内篇日釋教其目十則宗本教述會源 The Hickory Con

言命為已學方也日適治其目如循本之數則禮樂封 老魏吳漢晉虚玄梁上梁下隋唐後周也皆踔厲前人 非即必悟示證最志古今不昧寂動也外篇日循本其 其目如適治之數而逾其三則宋襄儀泰秦漢文武儒 建井田兵問用刑尚德儒吏經權三尚圓象也日史論 其光燁燁不可襲秘聲名突起指紳間癸丑之冬願證 還天界源時侍 目如釋教之數則性上性中性下人物道述克已至樂 有良僧乎濂對日近有一僧從吳越中來皆能文辟 シタニノ 皇上升武樓遥望禪林顧源日其中

有疾 者之所不及復問願證所著濂對日太常丞張丁家有 **徃復論性書遂遣中官召丁携書至** 取觀之濂因進證傳文 **今閉門習讀三月俟髮長勝冠然後准職後三** 勞備至 妻妾各一 日論議甚高其鐵中錚錚者平明日 日其名謂何濂對日 一凡日用百需之物無不周復命中秘給書籍 一意其沉鬱多痰賜藥吐之疾稍减已而復劇 **勅吏部皆除應奉翰林文字賜第太平門及** 編 則願證 一親寬終卷日是或儒 則證傳 召見謹身殿慰 上復覧如前喜 一月願 月文 日試

自在像誦其號十萬乃緩自是間章何不學而能遂作 史官日昔在宋時仲靈嵩師舜津李氏子也毎夜戴觀 尤差具焉時洪武甲寅春二月也壽三十七云 **友草謝表表未終而逝**上夜夢願證來謝服大布寬 整文剤 原教論明儒釋一貫以抗諸儒之說韓魏公琦歐陽公 中使問疾者絡釋于道竟不起病將革時唯仰首言日 修皆尊禮之今願證亦李氏子其母亦累禱觀音而生 則死所可憾者受上之深思不能報爾遂口授其 一卷二十九-三十八

亦博 藝文浦 也其志之所存抑果有不同者敷然仲靈進正宗記懂 交愛才之念不下於韓歐二公弗忍其名不傳也故徇 仲靈專輔本教而已木方樂而風折之悲夫濂與願證 為王官使其得壽則道行于時澤兼被干烝黎不特 得仁宗賜紫方袍及明教之號願證則屢被龍光親抜 弘宗扶教代當有其人歟濂固不敢謂願證之如仲靈 全室꺤公之請具著其事於篇 極羣書亦著為論說以明儒釋之道亦具矣哉豈 元莫月鼎傳碑 を三十七 三十七 明文 濂 如

莫月 雷書秘不傳乃延往來委身童競事之會鄒病革 受五雷之法又聞南豐有鄒銕壁者得王侍宸斬 世故從事於禪觀之學脇不沾席者數年已而着 第 雪 服更名洞乙自號為月鼎入青城山丈人觀見徐 鼎召雷雨破鬼彪動與天合雖婚突怒罵皆若有神 月鼎拜且泣具以實告鄒驚歎即以其書相授於 規論 雙目有光射人習科學業三試於有司不利乃絕 祖慶父濛連起為顯官月鼎生而秀 起炎湖州月河谿人高祖儔宋政和王辰 肌膚 將 進 遣 勘 道 邚

雷應聲而發震摄殿廷帝為之改容復命請兩雨立至 整文補 天色爽露帝日可聞雷不月鼎對日可即取胡桃擲地 物色獲之見帝於灤京内殿帝部近侍持果殺觴之時 仙云元世祖至元已丑遣御史户丞崔彧求異人江南 物從之者寶祐戊午浙河東大旱馬廷驚方守紹與迎 冥 震 霆 致月鼎月鼎建壇場與目按劍呼雷神役之俄天地晦 窶者帝疑其物微因盛有所資亦不受尋有盲僤掌道 如、紹興時帝大悅賜以內府金繒月鼎碎截之以濟寒 一聲大雨傾注穆陵聞之賜詩一 秦王七 9 一章謂其為神 **野文**

筐時被物竊去月鼎召雷轟雲中斯彻孫首投于前市 所為急召寘筵端且謝過月鼎以手指之雲淨如洗山 飲觴既舉有雲蔽月外不解月鼎時萬觀中道士知其 面頃之雲自湖畔起翳于日下蕃釐觀道士中秋 中當赤日如火客請假片雲覆之月鼎笑拾果殼浮觴 **供為鬼物所憑在蕩不可制遍索月鼎不值忽遇諸酒** 事月鼎以年耄欝遂給驛南旋益放於酒無日不醉 輒白眼望天陰飇脩脩起衣袖間甞與客飲西湖舟 鼎大屬合酒與之壁歸物怪已息賣餅師積餅于

寅屬其徒 魁妄婦道為白猿精所播抵門但空車焉月鼎禹歩如 **噓氣授之無不並愈者故咸以真官稱真官謂其能主** 有指麾狀狂飈遽作飄婦還合問之婦云方在北高峰 及期與目而坐繼華問身後事月鼎搖手日俟五事備 可也夜將牛風雲雷電雨交作月鼎索筆書偈泊然 不知何以至此也月鼎陽在避世不妄與人接然頗関 灰者有來告急或以蟹中黄篆符與之或摘草木葉 一鬼神其靈異之跡士大夫多言之不能盡載歲庚 王繼華周明年正月十叉三日將化於汝家

霞道院三里而近月鼎所受侍宸諸書實秘一如鄒一 逝壽六十九繼華奉遺蛻垄于蘇芝長洲陳公鄉去丹 輕授人唯繼華及無涯潘氏得其傳餘有求者隨其器 基文補 史官日魯陽援戈而麾日退三合鄒行仰天而嘆六月 號偉特若行醮法能使羣鶴超翔壇上云 授步宗浩宗浩授周玄真皆解狎雷致雨雲而玄真尤 降霜夫以匹夫之微精神所格而天且應之兄葆真之 小大淺深自撰符篆與之亦多驗繼華授張善淵善淵 士平所謂葆真之士其慮冲其志静處其神疑以全故 一一一一一一一 四十

其 をと前 帝王受天命而與然運玄化施陽飲陰日月為之却 間矣嗚呼此術然也則夫有事周孔之學以致中和之 傳或以為涉於怪神止之然余心獨有感也復別書 以示玄學者 功者其應神速又爲何如哉恭天地而妙萬物固宜有 在也世之人胡不爾思隨物變遷至與人道弗類其可 也夫抑亦可慨也夫子總修元史已類月鼎八釋老 獅子山徐將軍廟碑 語默 吸嘘誠可啸呼麾斥鞭笞魑魅於指顧之 W. III M **则文** 濂

年為洪武癸丑九月二大駕幸盧龍時與權已化去 巢湖溺死死而為神巢民奉之甚謹 軍者亦著神功將軍烏程人晉時行賈江淮間道廬之 勢則然也今 善しる 多祀神舟中所向克捷或以事聞于 命南安侯俞某即龍江盧龍山為廟祀馬擇清修道十 **旄所向鉦皷所戒巨城大邑無不降順時則有若徐將** 山嶽為之震叠川君水伯咸聽其命令而效職歇霧理 汪與權聯德輝徐善誠三人主其事及既登大位之六 皇帝之都企陵伐亂討逆遣將出師旌 上歲戊戌某月 一初渡江諸將

陸と月 神争助水 **帝與江淮賢豪景從此咤而雷麾戶兩風豈惟** 將軍之功格知 詔德輝 玄武神于廟左殿堂門廡略具咸以為斯 而玄武之 師體鼓 部奉祀益恭甲寅某月復相與建嗣奉其教所謂 能與敵城領領大將攸克示以 伯川君問不來赴維集有湖神之所都陰明 洞威霛日著亦宜牵聯得書乃來請路其銘 Joka III L 帝主耿耿不誣其本始固不宜無考 廟與國同與 別文 同 其 甩

ļ

岘軍聲如霆日無全城一日十勝斯寇率乎 無有堂有筵有几神之戾止冷風如水都人來觀 維巢有神質張兵戎 臣成功孔速疑有神助使之順伏將臣有言非惟戰 **尤難名並祀實宜精神上通合慶同體以質化工時清** 歲康烽燧不芒都人薦奠粢稷豆觴人 丁幾微以佐 天子褒功及于思神都人來言神之處武洞 えんこうか 明主上天垂象龜蛇合形佑我下民功 帝曰典哉何以勸賞爵非所安 二十二 帝詢

星辰之昭乎上者天之文河撒之列於下者地之文經 長庚之精峨眉之神皆降而為命世之儒所以能軋塵 或得之者亦足以配二儀而常存後萬物而弗凋葢以 尸而祝之實有不得不然者矣有若烏傷黄文獻公其 **緯乎兩間而丕昭至道者人之文人之文雖若有不同** 一衆一氣於太虛間鼓舞變化隨雨露風霆而者形為 日月扶植鴻化以震盪乎一世故雖其魄已喪其神 黄文獻公祠堂碑王忠文公禅亦公 一卷三七 山山田 明文

之效於斯為盛是則公雖薨而其耿耿不没者固將游 皇制黼黻太平昭回雲漢之章承被乎草木人文化成 成者故公遂以文章鳴一時侍講經筵闡明聖學掌官 其生也續川之水為之一清是益星靈川祥所融疑而 始庶幾乎公之方姙母夫人夢大星煜煜然墜於懷及 神太清在帝左右而嗣之不設非甚缺典數豪梁胡侯 惟信來為縣剛明正直不可干以私行之旣人改通人 和展調公之墓下凉處動水悵然而有遐思即下令祭 八樵採復輯公之遺文刻梓傳世侯循謂未足以妄神

医文甫 情狀者也世之彊夫志士用物精多尚能昭著靈響廟 之孫子邦之奉彦成從侯後精誠写格契乎中漠君蒿 **象設有嚴丹腹焜耀落成之日侯具牲酒盛服致祭公** 悽愴如將見之祭畢而莊邁豆静嘉肴核維旅鴻休誕 子日其神不亡無乃涉於誕邪日嗚呼是未知思神之 所風厲而公之靈爽永有攸棲矣或者則日人死則其 昭秋秋睢睢四方之士來游來蟾僉以為侯之為政知 明乃請於上官築祠於鏞川之濱堂庭穆如門無淸諡 斯盡古者祭鄉先主於社不過崇德報功為人勸爾 でままし 手二元 明文

歲月公之子梓從子橒從弟模開侯是舉有關於名教 食百世児鍾天地靈長之氣而發為文章之英者其不 之重而非私於一家又請濂詳文其事於石以昭侯之 震則當如此言爾初嗣之成同門友王君禪旣為紀其 善與此祠相為終始濂按春秋書事之法解有重復而 煜流光晶川后飲滓若鏡澄發為五色文章英上 随世而磨滅者央矣至若庸人凡氓其德不顯其鬼不 不殺者因竊取斯義而為之記復繫之以詩日大星燈 月溥太清呼吸雨露鞭風霆在帝左右持文獨交龍降

基文 俯 陰誰使今有神來下風冷冷若乘玄麟紫霞輔降爾百 穆森巨楹歲時與祭輸精誠性性肥脂酒潔馨條陽忽 關不可名玄功飲迹歸杳冥其魄雖離神則形炯炯直 **井藻火明生色燦爛丹鳳翎萬物承被流華榮一氣闔** 先生諱滑字晉卿姓黄氏黃為發名族至朱太史公庭 福響然憑都脅禮樂當府與春秋報事至千龄 與元化并有祠翼然妥幽靈陽烏高騫聳觚稜庭宇沕 知經延事金華先生黄公行狀 故翰林侍講學士中奉大夫知制誥同修國史同 不会工士を 四十、 **茅**源 明文

堅族望尤著太史之從父班生景珪俱家浦江景珪 琳娶忠簡宗公輝之女弟始遷於義烏琳生中輔力學 尚氣節當秦槍柄國土有議已者極捕殺猶香然題樂 1717 - 1174T 官以朝請大夫致仕妣陳氏累贈宜人繼方氏祖塔方 至朝散天夫行太常丞兼樞客院編修官乘權左曹 公四世諸孫女累封安人曾祖夢炎淳祐十年進士 伯信於先生為高祖廸功即累贈朝散即此宗氏忠簡 府太平棲上有磨劍欲斬侫臣頭之語人至今誦之晚 以轉運使薦當得官命垂下而卒中輔生紹祖紹祖 アイニッ

出也以進納恩補承節即入國朝弗仕今累贈嘉議 歸儒林即兩浙西路提舉常平茶鹽司幹辨公事丁公 永女今追封江夏郡夫人初廸功府君之外甥女王氏 應復實生中奉府君及嘉議府君以病廢故朝請府君 今界贈中奉大夫**江**淛等處行中書省恐知政事護軍 年進士奉議即兩准宣撫大使司幹辨公事彬之女 封江夏郡公妣童氏承信即監嘉典府鮑即鹽場伯 封江夏郡夫人父鑄以朝請府君遺澤補將事 部尚書上 不卷三十九 一輕車都尉追對江夏郡侯妣徐氏淳施 四十七 明文

俘育之以為子儒林公安吉宦家嘉定十六年進 授之以詩書不 墜於懷歷二十四月以至元十四年冬十月一 府少卿蝉其大夫也童夫人姓先生時夢大星煜煜然 君之外孫也見而數日吾鄉以文解鳴者喻权許兄弟 **雨醉即自免乳徐夫人抱而育之比成童不妄踰戶** 言皆者可諸葛武侯解前太學內舍劉君應龜朝請府 爾是子稍加工其不與之抗衡平因留授業弱冠西游 **郎伯虎其父也慶元二年進士中大夫直寶謨閣太** 一月皆成誦迨學為文下筆項刻數百 一日が 朝 閾

藝文補 獨先生詞致淵派綽然有古風特翼前列二年上春官 頁鄉闡時古賦以太極命題場中作者往往不脫陳言 | 錢塘前代遺老與與工宿學先生咸得見之於是益 復在選中及奉大對倦倦以用眞儒行仁義為言辭甚 隱於家庭施元年貢奉之法行縣大夫又强起先生充 德五年舉教官七年舉憲吏就試皆中其選已而復退 歌詩相倡和絕無任進意其友葉君謹翁力挽之出大 世文獻之詳壁還故居從仙華山隱者方君風游為 切讀卷官以其頗淡於激綴之末第奉上盲賜同進 卷十七 明之

與對品階授將仕即台州路军海縣丞僅踰再期會有 史中丞馬公祖常薦入為應奉翰林文字同知制語兼 **炭儒學提舉至正三年春先生始六十有七不俟引年** 國史院編修官進階儒林即丁外憂去官服闕轉承 即國子博士經六年之久請補外換奉政大夫江浙 不堰西場監運事開命仍舊階居其職園四載以功超 一資陞從事即紹興路諸暨州判官至順二年用故御 : 改鹽法江浙行中書承制遷兩浙都轉運鹽鐵使司 出身主選夷以為自身補官散階當下二等上命

藝文補 講學士知制語同修國史同知經筵事進階中奉大夫 者追及武林驛敦迫還京復供前職十年夏四月始 兼經筵官召見於慈仁殿慰諭良久八年夏四月陛侍 平開府公交薦之被上青落致仕仍舊階除翰林直學 四歲故湖廣行省平章公來爾直班今中書左丞相太 亚 三史丁内憂不赴除服以中順大夫秘書少監致仕居 九年夏四月上章求歸田里不俟報而行上開之遣使 和制譜同修國史七年夏六月至上 一納祿侍親之請絕江經歸俄有旨命預修邀金宋 松二十九 一京中書傳旨擢 サーム 明文

僅十步娶王氏嘉熈二年甲科進士從事即昭慶軍節 葬於縣東北三里崇德鄉東埜之原距嘉議府君之 **睦通方承制司黜涉之柄移書起先生咨議省事以疾** 未及上十七年秋七月今江浙左丞相金紫公造世貼 謝南還行中書為言於朝給以牛俸終身公廣已具而 度掌書紀图金之曾孫文林即監沿江制置副使司造 劉涓王禕宋濂傳藻等咸來相治後事以是月十八日 大夫聞之俱流涕日黄公亡矣一代文章盡矣門弟子 力辭閏九月五日薨於繡湖之私第年八十有一 一學士

· 毒害民民不敢正视編珉之隸濟司洎財賦府者亦謂 藝文補 **弗顧也有後母與僧通而配殺其夫者反誣夫前子所** 讓俱先卒孫男四人追求君珣所著書有日損齋初墓 各有所憑横暴尤甚先生皆痛繩以法吏懼以利害白 在寧海時縣地瀕於鹽場而亭戶侍其不統於有司建 校尉紹與路同知餘姚州事女一人適惠州學正陳克 船場沂之孫將仕郎桂之女今累封江夏郡夫人先一 年卒及是始合葬馬子男一人梓用廢入官初投忠顯 二卷續裝三十卷義烏志七卷筆記 一卷傳學者先生 五十 即文

遠近以為神明巡兵捕盗販者急遂沈盬於河帥衆以 為獄將成先生變衣冠陰察之具知其好傷卒直其冤 事皆久不决先生為之疏剔以其獄上各論如本條免 狀事悉委焉先生為點其以賄敗者上百戶一人縣吏 **刧紋未行邑大姓執之以圖中貨格初無獲財之左驗** 拒延兵怒乃取他私贩事以實之民有在盗籍者謀為 死者三十餘人部使者董君 下其狀多至數十百先生錄其當問者即不當問者遣 一人在官無禄者四十餘人愚民以婚田嗣競往訴咸 士恒行縣廉知先生有治 E to Contract to

論定翕然畏服不敢重有辭歲大旱禱於靈湫有白龍 **措盗司屋壞撤而改作無敢後期巡海官舸例以三載** 其俗素號難治先生不加鄙夷壹導以善政民多從化 生適粒是役樽節浮贏以餘錢還之争賺呼而去奸民 之先生明智律令世以法家自專者有弗如也凡經其 防私醫被證先生規指有法無毫分入於吏議在諸暨 堰視亭場為尤難居是官者常以稱盤折閱及不能檢 **蜿蜒見湫中已而黑雲四與大雨如注縣以有年在石** 新費出於官而責足於民有餘則總其事者私焉先 一卷二十九— 丘上 明文:

從吏日亏卒額止三十安得此曹邪可縛送於州間者 於官往索之惡少年持挺從者近百人先生遇於野詰 以偽鈔鈎結黨與脇攘民財官若吏聽其詐挾之以往 遁走有盗緊錢塘縣獄游民路獄吏私縱之假署文牒 既至條郡府便先生輸治 新昌嵊縣天白寧海東陽諸縣株連所及百餘家民受 情以正盗宜得重議持偽文書來者又非州民俱械還 發兵來為向導逮捕二十餘家先生疑而訊焉悉得其 同謀者各杖之有捕盗卒陰寡偽鈔板於良民家仍白 一問皆引伏獄具官吏除名

益恭業成而仕皆有聞於世時欲增設禮殿配位四配 惡其無禮逐去之乃克如先生言在禁林會修本朝后 錢塘誣者自朋奉省機監稅杭州先生御之以寬商旅 位合東坐而西向學官或議分置於左右同列不敢争 先生獨面折之其人悉甚日坐堂上以危語相加御史 **她功臣傳先生為條陳義例多所建明士類服其精** 如朋交未始以師道自居輕納人拜而人來受學者滋 講經筵者三十有二經筵無專官日領日知咸安執 「集僅三関月将美錢十二萬稱有奇在成均視第子 }

藝文補 近臣講文之述率屬先生訂定非有關於治道之大者 事造請逄單官者一械資者五銓曹或失於收叙亦不 卷官前後所甄拔者盡知名之士先生天資介直絕不 賜之始先生當預考江浙江西上都鄉試江浙則三 自言在州縣間惟以清白為治一錢不受於民所至無 不敢上陳其啓沃之功為多上嘉其忠數出金織紋段 附足不妄登鉅公勢家之門君子稱其清風高節如水 田月俸弗給毎醫産以佐其費及升朝行挺立無所 主其文衡至是被上肯考試禮部尋又為廷試讀 一个卷三九 至二

一壺玉鑑纖塵弗污先生性萬孝于親親殁營家域於三 釜山有乳虎馴狎之異山去所廬十里月旦望必展省 成編家居不談米鹽細務與公府短長邑長吏來調鄉 親設哉先生貴而能貧雖位至法從蕭然不異布衣時 隣有急號得片言為援輙峻却之尤不輕於薦引或譏 大暑寒不易先世遺文歲久或有殘缺極力搜訪補 其絕物先生謝目公朝爵祿將以待賢者豈為吾黨私 又寡皆欲甫歸强仕之年即獨楊於外給侍於左右 一差頭而已遇住山水則觴啄其間終日忘去其冲 丘十三 明文

事矯飾以爲容悅而誠意獨怨至然剛中少容觸物或 簡遠之情使人挹之都各項消與人交任真無釣距不 **改急霆震者未易涯淚一旋睡間煦如陽剂引不少留** 聯不能休至於的析異同識決是非多先儒之所未發 礙焉先生之學博極天下之書而約之於至精有問經 史疑難古今因華與夫制度名物之屬旁引曲證語 為體布置謹嚴援據精切俯仰雅容不大聲色誓之 湖不波一碧萬頃魚鼈蛟龍潜伏而不動淵然之色自 見請論者一根本乎六藝而以羽襲聖道為先務然其

一十二十十 當六合混 筆札俊逸類薛嗣通識與不識效無閒言嗚呼先生生 弗去一篇之出家誦人傳雖絕微殊邦亦皆知所寶愛 弘仁皇肇開科舉之 雅善真草書人有得其片幅者必藏異以為禁世之 家典册詔令及熱賢當得銘者必命先生為之海内之 不可犯申稅至元以來如先生者二三人而已故凡回 者謂先生為人高介類陳履常文群温醇類歐陽永叔 與浮屠老子之流以文為請者日盈於庭力壓之 一之時鍾河嶽英靈之氣積之既厚所用亦 Waterin 一初即以儒學自奮歷事五朝晚乃 明 文

辭上方眷倚之深再召還朝未幾又辭其難進易退之 入侍今天子掌述帝制勸講經帷疑然獨任斯文之重 漢唐侔盛先生之功固不細矣至於出處大節尤人之 天下學士咸所師法遂使有元之文章炳耀鏗銷直與 登り之不 先生之所自立者豈不綽綽可傳於後哉先生之薨在 所難能者年未七泰而謝事暨羣公力薦起之俄復控 風真足以廉碩而立儒揆之古聖賢之道益無愧也若 因輯任官行事為書一通上於太常國史然鉅細詳紀 法當錫謹立傳廉從先生遊垂二十年知先生為最深 多卷三大 五十四

藝文補 一 卷三十九	吳與藝文補卷二十九終				一不敢效古書法為簡嚴者欲其事之白以
五十五					八事之白以俟芟摭也

.